山庫全幸

史部

欽定四庫全書以西通志卷一百二十七

檢討臣徳生覆勘 詳校官監察御史 吃 東

校對官中書臣 總校官知縣臣 隱録監生臣周元梓 潘庭筠

12 10 on 11 11 11 1 居殿在西北隅比他郡所無者廟庶之左書學之後皆 昌路廟學記 : 2-4 江西通志 期學因地之勢其位東向有無无聖於禮未之有稽而所以致 澄

多方匹 授 今天子御極之初念民生休戚繁於郡縣守今精選其 喧 學地也民就而營居馬庶左之居編户鱗次近過廟堧 歸 與 耀江淛 織不静閣後之居面北背南構宅一區横截其間廟 優教事尤度服日庆學宫目覩心惟将更而新之教 燕居離隔為二別於一 方君壽條具所宜凡學地民屋悉令撤去改造以地 之學伴廟伊學前後通達無碍緣以官牆相其他不 母全書 行中書省郎中遊題教寶為建昌郡侯治政 門向西不共前廟之門而出

中 前窗一引五尋視其舊加四常有二尺戟門之外鑿泮 祀繪像於壁蔵久則漫易以木刻神像百有五左右各 如候之志邦伯達實特穆爾屬之長宋貞愈議允許從 欠己日年心時 為通衛南北西端樹命教門各一加封勉勵部肯磐石 門之東舊有教官之署乃撤其屋遷戟門於外距廟之 八室以奉廟之前庭庭官春秋朔望行禮不足以容外 池如半月跨以石梁池外如舊建標星門門外砌街道 禮度者循序完整前守趙侯所積學計歲會有美可 江西通志

屋 金ジビア 為 有 闕 與古之前廟後寝類築壇三成廣仍崇三尺有五寸象 重鐫二碑亭對時於泮池之側燕居湫隘不稱官有廢 如殿之制廣三常有二尺深三尋有六尺六寸徒置 後 尹周民居半屬學地以其屋來告適舒嗣隆代宋貞 里之杏壇先賢祠翼其右太守祠翼其左增祭器備 郡屬之長志合謀同贅助其決遂酬其直得尹之居 補書板革務舍作庾原教官舊署既撤學之西南 所撤民居之地以為燕居殿與前廟相直東向與 悉一百二十七

驚嘆以爲昔所未有非郡侯心量之宏志力之堅何 尊其北險地為應事之所二一以待衆君之公聚一以 欠足の日本語 臻是今郭伯奇喇 貳守劉珪府判巴延徹爾 那屬張廣 衛端直規模恢廓巧鳗炳煥道路平行係然壯觀士民 待教官之公座自泰定元年肇始至四年迄於成門無 殿堂燕居祠守以及庖廪與教官貳長之解各周圓內 南北之廣二引五常東西之深六引四常有六尺從 居教官周之居以居正錄氣象軒豁足以表師儒之 江西通志

丹布哈董斯役郡吏李方平王進周植也役既畢鄉貢 業以應時需者士之事时之上繼令桑居共游豈曰涉 劉東忠克協克一前教授倡議之後郭建中嗣教職承 進士町江書院山長科公外述郡士之意請紀其蹟惟 侯累任風憲廉能聲實者於遠遇今為民父母有治有 侯之令惟謹正録石良貴嶽天祐也蒙古字學教授楊 其美可書也雖然做學官以育人才者官之事進學 記誦街節辭章以釣名娘利而已必真明經而心之 イモ 火足四車全書 一 實當古侯牧之任其治民也有政馬有教馬政以尊之 世教民之道雖不能然如古而收民之守必崇士學 使不為惡教以化之而使為善也教民必自士學始後 之道成幾上不負聖天子取之用之之仁下不負賢郡 天子所與分治其民者侯收也封建為郡縣而郡太守 侯勉之勵之之義哉 得能得聖賢之心公真修行而身之所行能行聖賢 南安路儒學大成樂記 江西通志 則

户 宗歷代尊事隨時而樂至唐開元而服衣見之服正南 米金之禮盖相習而無甚異國朝既得天下郡縣儒學 面之位祀以王禮遂為定制凡釋與者必大合樂因古 教之人為之綱古之建學者少釋與于先里先師而春 全ランド 真之名損益其禮以祀夫子祀公用樂者做古也唐 漢以至於今未之有改也崇士學之目不一而尊 如舊世祖皇帝於京師首善之地聲創國子監學春 入學亦皆釋奠示不忘本也吾夫子為萬世儒教之

欽定四庫全書 一 情其敦禮樂也所以尊聖師其尊聖師也所以勵士學 出 其勵士學也所以成善教而為善政之本斯其無負 之上游中大夫東平張侯的來守怵然以夫子廟樂未 且良延至能其事者為之師而教習馬樂器之至也躬 備為惕乃議與樂命教官制禮器於盧陵命學職取磬 石於真陽箕溪鐘磬琴瑟管簫笙填祝致之屬靡不工 郊 釋臭以前代之樂行事列郡遵而行之南安居江西 而迎樂事之肆也時入學而視必恭必度因或腳 江西随志 卷一百二十七

義也逐其臨民未必皆能則然而仁也士者民之儀 其凡而化之為善也哉侯於士類中擇其知孔聖之道 害即日上間祈除免以蘇民力関民之心如此其施於 之士學無不讀書為文也考具持身未必皆能介然 而於仁義之道或不能無虧則何望其能表率鄉里薰 可自為者侯於教之綱知所先矣教之目也如之何令 可知也雖然政者侯之所能自為也教則非侯之所

牧民之奇也已侯之初下車也知往年虚增之賦為民

學而東進乎其所未學一一如吾夫子之所以教於經 奚 丕變将見南安之坑人人相敬讓相慈爱謁然為仁義 則 者講求具意條陳其目以教令之士俾不廢乎其所 幼 之民而無復有辨争盗竊之訟至官府則侯之治郡 こうえ 故予得以盡其言 實掌南安屬縣之教承侯之命徵予文以記樂之 翅如漢文翁之治蜀唐韓子之治潮而已哉吾里陳 明於行則修可以厚倫可以美俗士風不變民風亦 江西通志 3

一多定四库全書 承平之制臨川撫之自郭邑也咸平唐子邑令陳從易 始建學學在郡城東南隅據青雲第一峰之右地勢亢 自唐末衰亂之於五季文治中否果與數十年間漸復 斯色建詠仁堂於明倫堂北既而趙令崇尹新明倫堂 餘處重修之嘉定其午朱子之門人黃文肅公幹實室 一講誦為宜歲久屋敝後百餘年當隆與甲申邑必郎 八跡稀疎喧囂之聲華靡之觀不接耳目於學者将 臨川縣學記 卷一百二十七

嘉熙庚子李令義山復新大成殿及两無戟門作專青 雲峰之顛以暢閒適眺望之趣淳祐已酉趙令必瑛 こうえ 詔 文之治汲汲以勉勵作養為務由至元元貞大德至大 市民地拓其境作外門而學官完美矣國朝因前代尚 文會堂及兩序齊舍四東口尚志親仁西曰務本好禮 肯叮寧有隆無替皇廣延祐貢舉既行則雖中人 皆知所勸文治可謂威矣而臨川之學速令又将 未有重修者成都馬壽祖來為令周視學官意有弗 1450 江西通志 ō

金完四库全書 咸喜以學官舊無碑刻懼事迹久遂湮沒欲備始終傳 勞費材木之朽腐者易瓦覽之缺壞者增牆壁之破者 學之修此賢令之善政雖然有治有教今日文治浸藏 一毫而主祀之宫奉居之室與然一新既落其成衆士 補之楹柱之敬者正之蓋覆比各朽鏝輝炳學計不損 永遠而屬記於澄余編謂文儒之尚此里世之厚息廟 稱並命學官首理教諭鄧文奉命唯謹躬率邑士不憚 文教猶有當明者馬前令黃文肅公以朱子之學数 卷一百二十七

敬定四軍全書 · 令承宣之義矣夫 今男益奮發洗濯刮磨以草售習以法聖涯一旦不變 皦 少ロ 士智之新與學官而俱新雖伴臨川以為洙泗可也夫 語 四書五經之緒言以趨時干進而已哉臨川之士繼自 同 是其可無負於聖世長育之仁矣夫其可無戾於賢 得契聖人之所先得知必真知行必實行直徒割掠 川之士流風未很朱子之學宗程而祖孔孔子之道 如日月人心所同得也完其理踐其事以吾心之所 江西面忠

者に 庄 自一 石農 伥 至治元年十月甲子紫霄觀道士張惟善來言紫霄觀 入華陽洞正路遠色而升人石磴七十餘級而後至觀 神煉氣棲息其間而亦昧昧鮮有聞也其入山之逐 要途故搜奇探幽之士鮮或至者惟通身絕俗之人 南豐之四南八十里嚴洞之勝世之稀有而遠於通 立正殿以禮天神屋三分之二居嚴下其前字飘 紫霄觀 削立中鑿石磴百餘級至梯雲洞洞之上右一 30 逕

飲定四年全書 一人 由丹井入中嚴有張丹霞讀書山房中嚴而上至山頂 處追流其前為法堂又前為藏室藏室與觀門相直正 峰卓然諸山衛秀时水如帶紫行横陳軍峰之下水流 有 殿之後石實中有蛇骨色如金長八尺許又上小嚴中 石赤松嚴及蛟湖金坑之屬觀之右有丹井四時不竭 仙林又上一嚴形如甕盎名曰經洞 上嚴有浮丘祠祠下有小嚴曰妙仙洞據高望遠軍 及乃覆以瓦正殿之左為屋以禮元武神右為屋以 三丁ニトと江西通志 觀之左有掛別 九

遠 香爐峰前後左右小嚴洞不可勝數觀聲自唐開元名 妼 出雙連橋合於大溪觀之後方峰如屏觀之前一山名 丁已又以善士施財創建經藏正月與役九月畢工惟 丁未善士施財修葺其舊惟善已紀其歲月於石延祐 治 大師賜紫一新殿堂今百餘年惟善恭主此山大德 平初改今額淳照問道士吳源清知書能詩賜號善 仙觀五代時顏廢宋大中祥符道士王士良重與之 湖遠觀之前如線通於山石之間五七里內凡九曲

賦咏馬 欠則筆其所誦授之達予意於山靈尚期 家書朴素而不但逍遥而不說方外時人也以此地宜 山中兵斯一言以傳久遠可乎予聞其言冷然有御 善音年遊江右江左自兩淮荆襄至武當而還令老於 大己日日八十二 有此人非此人不足以宅此幽奇也予既以未獲至為 之想欲飛至其所一觀幽奇而不可得惟善通儒家道 西陽官記 江西通志 他日往将 而 風

陽子之親之墳墓所託也首韓子二歲而派先世墳墓 其親的敬其親也則其敬無子不在而况其墳墓所在 歐陽子天之生斯人也固不數也是以百世以下萬口 繁乎天地之氣運周已來尚矣先漢質馬二子以來八 金分匹居在書 乎此予所以不能已於四陽官之記也四陽官者何 百餘年而後唐有韓子韓子以來二百餘年而後宋有 文章之傳世雖聖賢之餘事然其盛哀絕續之際實關 稱為文章之宗工尊其文則敬其人尊其人則 敬 歐

在 にこのられたう 於恭而遽終此越國太夫人鄭氏以其子依叔父隨州 之薨又二十六年六十年間欲如韓子之一省墳墓而 潁崇公之葬距越國之葬踰四十年越國之葬距文忠 朝 推官越一年崇公歸葬於吉葬後還隨歐陽子年二十 之,龍岡終身不能一至盖具考崇公官於綿而生子官 年四十六而太夫人喪次年初歸崇公之非葬後還 賴州貢年二十四登進士科歷事多在江北及留中 河陽時或往省歐陽子四歲而孤二親俱葬吉永豐 江西通远

記情陽方侯松卿守古出錢十萬命邑尉陳元熟修築 後復做陳氏子孫重革咸淳西寅異齊歐陽先生為之 散里人陳氏新之淳熙丙午誠齊楊先生為之記其堂 堂合祠崇公父子阡表世次二碑監於一亭中間祠堂 多分に屋 世昌起廢掘地得鐘識云貞觀三年已五西陽觀鐘崇 之南傷名西陽觀英詳何代肇創宋至和乙未道士彭 公諱觀聲異而字同乃請於朝改觀為官官之後有祠 不可得其墳墓之託幸有西陽官馬官在水豐沙溪鎮 生量

時其右地之廣袤六畝而縮禮神安葬室屋俱完宋南 士鞠文質始遣具徒蕭民瞻來請記建宫本末民瞻 年矣祠堂續記內寅至今亦且六十四年矣而官之道 こ. うき 田之歲入米以斗計三百而贏則官之可籍以永久宜 言宫面山枕溪拱抱明秀金華桃源翼其左龍圖鳳 獨 渡後道士賜紫者四劉師禹陳宗益彭宗彦曾若批 尚阡門與牆紹與辛亥艮齊謝先生記其事尤該備 西陽無片文可稽祠堂初記两午至今一百四十四 1.4.10 1 江西通志 |岡

多定四月全書 無所歸末年就京就賴而家悉不得歸近墳墓宣其心 嘗不以不得守其墳墓為戚也而唐宋二大文人栖栖 墳墓也子路去魯顏子傳之哭墓而後行然則古人 道士也據禮之常揆義之正雖若可惟倘非歐陽子之 也而予編有概馬當聞諸禮士去國止之者曰奈何 文上配韓子如麗天之星斗光於下土與天無極人之 之所樂哉令龍岡之阡歲時長省如其子孫者西陽官 仰推之以爱敬其親者亦将與天而無極則亦何

文人可乎哉噫此予所以不能已於西陽宫之記也 其不謂之孝子哉夫得謂之孝子也而但謂歐陽子為 能使具親之得此於人哉夫能使具親之得此於人 歲不請于朝而說不獲命則此文謂公終身不能 復至賴嘉祐七年公遣兄子嗣立告皇此太夫人墓 按文忠年譜皇祐五年癸已公年四十七八月自 文修不孝之罪不獲躬親省視松栢者于兹十年無 護母喪歸葵吉州之瀧岡胥楊二夫人科馬是冬 頳

大王日事上書 一

江西通志

金りし 十六支冠褐千餘其崇隆豐厚位望衛於親臣資用擬 地勢險絕人 信 石嵌堪下瞰溪津洞穴百數有名者二十四號為仙巖 寄身老子法者官之退及國朝盛極甲天下一 之山水固奇秀而龍虎山都其最山之西十餘里屋 至龍岡又謂六十年間欲如韓子之一省墳墓而不 可得者誤也此記為先賢祠墓所係因為辨訂存之 仙巖元禧觀 人跡不到陽顯陰幽若或宅於其間龍虎勝 ياءً 一本:

禧 師 岩 之無各情好讀書能吟詩每謂富貴浮雲死生夜且爾 山者若而人分設官觀布列朔南郡縣者不可勝計 五朝眷渥如 府大宗師以龍虎道士際遇世祖皇帝依日月光歷事 V. 10.21 /21 觀師恢廓慷慨剛直自立人有過輒面折人有急周 仙嚴之卓能殊特自應東其旺氣而開府之徒孫張 封右前代所未當有盖其地底之積鬱發達而然開 嗣房始建觀於嚴之陰面玉屏鉢孟天馬諸峰名元 一嗣其統於神奇者若而人演其派於故 江西通志 吉

一 多定四库全書 養官乃以元禧觀事屬具徒何斯可致和元年制授斯 九禧觀延祐三年两辰肇建六年巴未落成殿名宗元 倘不聞道如未出世擇地管構與其徒安內養忘外想 具建觀始未降之諸孫自吾省謁予求文載諸石命旦 鄭守清虚謙讓之教前傳後續永不失墜也皆從開府 鐘樓鼓樓翼於左右堂名元範東西二廂曰楚樵回爱 可明素通元隆道法師主仙巖元禧觀何之孫薛元羲 入鄭仁宗皇帝制授體道通元淵静法師主潭州路岳 卷一百二十

買 張 芳 抬 梅東西二館曰清真曰實元外設廳事之所其二無曰 ここうここ こう 陽諸嚴衛哨或啥好而中空或現母而外見川流中 風帆上下探僻搜怪者時時而至昔陸文安公脩 師 潤國有玉泉井茂林修竹名花異果羅族蔥清買 干畝以飯衆經畫四五年而功大集春定三年丙寅 仁曰集義中門扁曰漁樵真隐一池前沿曰環翠 横統橋以便往來回通德橋觀之後有開機洞有 化去何師克紹先志儿營構未備者一 1 江西迎也 一修完觀 W

學士七十八人 勢之靈地氣之靈有以符天運之昌天地與人三者合 教 傑才之行靈氣之波昌運之豬也 學士七十八人将覧留具名氏今元禧之建可無記子 名而足不一復末由模寫其態狀之彷彿因既龍虎上 願 能虎上清之極盛于今也豈偶然哉仙嚴之元禧則 門之繼繼承承莫非人才之傑人才之傑有以當地 得 関係地勢然亦有天馬亦有人馬天運将昌其教 一言與文安之記並刻以誌後觀予風間仙嚴之 卷一百二十七 而

墨莊後記

資博治為詞章者次也用之以媒利禄取富貴者下也 注之為字草下語壯聲盖草之威也假借而他用容貌 之田田謂之莊則書謂之墨莊可也然農之治莊其用 皆有盛之意馬農之業在田士之業在書士之書循農 之致飾曰在路途之交會曰在與夫田業之所在曰莊 其用力或不同用之以明義禮為聖賢者上也用之以 以養其生而己士之治莊其用亦一自世降俗陋而

大色日本 1

江西通志

科 含人 をエング 其子以學殖患一傳再傳果以寫志數學成名登進士 宋初三司磨勘劉公夫婦日其家所藏書為墨莊而酌 於明經車馬之賜歸功於稽古何為小用其書如此哉 以義種仁獲者無不由夫四術之教書之用甚大也後 汇 為經訓乃文章之皆禽抑未也況以青紫之拾推本 累累特餘事磨勘之孫集賢學士公是先生敞中書 一也而用有三志之高甲各異爾古先聖王率具民 以非先生放學貫古令名塞宇宙而芳百世遂稱

歌定四庫全書 ! ·畴皆墨淮之子孫每從知道之大儒游繼今讀書斷斷 於是書此於朱記之左夫士之立志在我人莫能奪也 堂於子孫者盖在上而不在下卓哉斯志乎中書之胄 上而二先生之族曾孫清之與新安朱子契循恐人 來示斯予增益其語予選進數月而不敢借其請不置 其治在之志出於下等也乃請朱子發揮其先代之所 江西儒宗所以用其墨莊者固己占上等之次次等之 派居撫之金谿其八世孫自得自弘持朱子墨莊記 卷一百二十七 江西通志

盖 秋熟也即 山之東北曰羅山芙蓉之東支隱而東曰巴山巴山之 俱有仙靈神其之跡寄托其上最南一山曰華盖由華 孔子吾於劉氏之莊何幸及觀其道畎之春明仁穀之 撫崇仁之境環南西北百里間山之眷延而高大者五 乎不志於下遡公是公非二先生之學以上達於周公 而西北一山曰芙蓉芙蓉之北支迤而西曰杯山 梅峰祠記

真告為南昌尉而此地在漢隸南昌或子真所當經行 棲息後人祠之於此而以名其山盖不可詳已子真諸 東北為梅峰梅峰者世傳以為因漢梅子真而得名子 褔 京非尹王章以忠直件鳳下街死人莫敢言王氏愈熾 為鑒乞抑損外戚之勢其遠識深慮逆知王氏之必不 意而不能用水始間子真上書引吕霍上官三危社稷 九江壽春人少明尚書春秋成帝時外戚王鳳擅權 侯僭侈新都受封宗室劉向極諫成帝嘆息悲傷其 上西西志

一欽定四庫全書 又專祠於梅峰故吏部侍郎李公劉家梅峰之陰監弟 籍竟莫知其所終或傳以為仙云盖賢人哲士沈困 利於漢以退方小吏越職言事可謂忠君爱國之至者 物 位不忍坐視移國之禍而力不能救則潔身全命逍遙 矣其後賊莽勢成遂棄妻子變名而避有人見之於會 跡 以仙祀子真宋代封靈虚妙應真人既合祠於巴山 所在敬仰而祠祀之此好德之良心不可泯沒者也 外島風凛然循将使百世之下聞而與起省想其遺 卷一百二十七

I chat he had 夷之流亞固不以祠不祠為輕重而梅峰峻拔特立魚 一祠其子修從子壽又度羅日新為道士以嗣胡期於水 士以嗣羅求予文記其顛末予謂子真忠清而仁其伯 久不替而中更寇燬守者失次有乗問而據有之者侍 郎之曾孫允思言之於官始克復舊乃度鄉嗣昌為道 博古捐資築室買田備諸器物度胡守真為道士奉其 同其永久也宜李氏子孫善繼先志能得道流之勤謹)鍾聚而秀美者山之靈異配子真之名節百古百令 江西面地

金分匹尼子 截次而五鎮下而一郡一邑 的有挺拔聳起之山為 者世守此山其事皆可書也是為記 H 方之望往往靈異而禱祈者趨馬古禮惟諸侯得祭境 神 内 山之親然高時者其魚威其氣感則其神靈大而五 名山今庶人以上俱有禱祈然其所祠不主於山之 而假託於人以為靈光山之所託必曰仙其所 相 御風来雲飛行太空之中或其功行街法有可濟 山四仙祠 13 記 謂仙

八己の与人にあ 之四仙考之史傳梅尉南昌樂守豫章山在所治境內 游 胩 六十里其山曰相山所祠之人曰梅曰樂曰鄧曰葉 易於朽腐推裂屋雖賴修而不久復敞住山道士黃守 寒雷風之迅烈雲霧之濕潤冰雪之凝冱木石不能提 鄧葉皆唐開元天寶間道士方伎之流也山初名巴唐 利 號臨川山而俗稱不改其舊巴乃樂仙名也食曰宜 而樂嘗為沛相故易名相山云山顏有祠屋其地髙 物則祠之矣撫州之西南其縣曰崇仁崇仁之南 T 江西山北 主

多为四月 武其職增益所儲之材七月已未構新屋十有? 道士羅端英作仙祠 以為後之首治者勸予觀宋咸淳之季郡守黄侯震為 旨長是山遂底完美本初來言曰仙祠一 始孫師成其終本初獲效微勤 IF. 之 積眼材水未及營造而去泰定两寅六月黄本初來 點提舉不私具利不私其名公其心為永久計是 深四尋衡之廣如其深而美一尺適上清孫慶行被 記填典祠之人攘取微利令山之 卷一日二十 相其役願刻 派 "黄師肇 石記歲月 楹從 可

二年六月賴寧都州寇作判官彭君以連糧留總管府 一飲定四車全書 一颗 縣有尉職捕賊舊矣州之判官職如尉國朝制也延祐 合內扶與清淑唯所收拾以實吾之腹逍遙遠近堅固 傑居山者倘虚吾之心不使有一毫埃遠塵浑之留六 以為今之奉祠者勉 久視且将與四仙合靈兹山亦道家分內事也因及之 書已況此山迎絕人境超出物表有地之靈宜有人 寧都州判官彭從事平寇記 江西通志

長官至萬戶府官亦領軍至決勉圍入州城慰安人 越 關 卒 间 錢市弓箭疾即而還結修壁壘越四日丙辰冠逼城下 之長貳與君及大家分城四面而守越七日王戍寇 外民居悉燉君畫計謀懸賞格數弓機職躬事天石 民兵出城與之角殺寇五六十収聚而入會總管府 五日癸丑趙與寇遇死馬州無鎮守軍官設捕盗之 不滿百時平蒙安武備無一有聞警亟白之府出私 州事趙某攝具職從州長出禦冠七月惟己酉 100 朏

城七里外越翼日已卯寇萬餘人自城下來戰君不避 城中之兵出內外夾攻寇不能支奔散渡溪水漲不可 民兵七千人八月戊寅旁死魄暨巡檢官率民兵屯州 六矢俱殪獲馬二匹宠設伏官軍失利而潰寇復進圍 鋒 退越七日戊辰官軍與寇戰於延福里君率先衝陣發 Caro of liting 君竭力守禦寝食為發福告危急於上司斜集兩鄉 溺死過半鬼大敏道去州城再受圖凡十有二日乃 鋭而前羣衆齊力簿寇殺死甚衆令卒登萬魔旗招 江西通志

兵之地曰仙亭背俗傳告有雅仙於此而昇舉盖古地 銀片四個全重 集有指揮使有副元帥有江浙省平章皆受朝命來督 解越四日去午行省平章政事李公出董師臺憲官成 之庭勞且賀曰保一城之民得免為魚內君侯之德也 魁就擒始班師州人以寧於是州之士民相率造彭君 鄉導首攻拔一岩官軍繼進大蹂殲其配類無遺有張 視 賴州路長官及萬戶六人總六郡兵擒寇巢穴君為 諸鄉之人不化為鬼物君侯之德也敢賀矧君侯駐

TRUDGE LILLIAMO 噫僕佐州無状收取亦方弗能先事科變為民父母而 使赤子弄兵延及於良民遭殺戮遭俘擄遭衛從者不 也戰之日寇既死於兵又死於水若有冥助然士民顏 以天年終者往往無辜之人也思之痛心言之哽咽可 重臣下臨退觚動數路之兵然後蕩除居者疲於供億 知其幾以至攻犯州城震撼隣境徹間天京中外文武 征者斃於鋒鏑寇之所汙軍之所歷骨星蹦籍而不得 石其處以紀君侯之功以無忘君侯之徳君魔然曰 江西通志

繁非小小利害也君侯之德其敢忘乎哉於是予之友 蕭士資具書述士民之意來做予文予謂彭君之不居 其美以勸彭君名淑字仲儀濟南歷城人年少而識高 居謙矣抑此寇一日未珍則州人受一日之禍死生所 人人為仁義之人則寧都為善地為樂土矣予亦樂書 至於致寇下皆知義則何至於為寇繼自今官吏士民 功也其言仁士庶之不忘德也其言義上皆能仁則何 中也而賀馬其敢自以為功子士民曰君侯有功而不 REDSTANT TO 追恤民府壅閉吾君之德使不得下達愁怨之氣瀰漫 是官若也而舉世替替孰知其任之為不輕專務己肥 亦可小試何也縣之於民最近令之福惠所及最速莫 予問居思天下之治法以為禹稷伊尹之志皆得一縣 慈敏而廉平為州人所稱云 兩 間以至上干陰陽之和者十而八九也聚奉年而收 廉吏前金點縣尹李侯生祠 很恣其啖食何辜斯民而至斯極於斯之時修 江西通志

差之際獨賣殆偏惟無力請貼者不脫免即此二端欲 金月七月月 事張求直而枉者先有所輸則直者無復得仲役戶議 有人馬慰恆其蘇息之望則民之爱之也爲得不如子 依然聽納蔓延歲久而不決受誣之人甚則殞身破家 其效也貪官喜民訟之祭則其需賄之路廣架虚誣告 日五事備子謂簡訟均役二事爾戶增土關盜息三者 民之即生可予侯則不然訟者造庭面詰其故稍沒偽 之爱父母哉若金谿縣尹李侯是己向論邑政之最必

次定四車全書 一八 容繼宰臨湘二邑各處三年如一日後宰高安郡以私 均縣之大綱舉矣此外皆其目也侯宰邑凡四初宰華 則考驗其力以多寡其日分如衡之平無所低品由是 安往往解躬或以理感喻之而止所當辨解責之鄉都 民不可為敗而訟自簡吏不可為姦而役遂均訟簡役 縱欲速問不造一卒比及至官片言判其是非罔有留 以肯產高下為等第來歲之役定於歲抄數戶俱差 雖理屈抵罪靡不心服上司命之鞫訊亦若是戶役 江西通志 Ē

善侯名有字仲方平陽人請予記者前縣尉曾文樞監 得此於民與漢之循吏異世同符子素知侯名樂道其 循吏傳六人始文翁終召父蜀郡南陽世世祠之今侯 首又立生祠於學官去己四年而復來請澄記予觀漢 也士民思其德傳以紀之者數十言詩以誦之者數十 相無異候之所以過人者非他其善有五而廉為本原 而抗縣政侯益官南七日 尚一乘去金谿之治視華容臨 一也明二也仁三也能四也公五也在金谿六年其去

城 金谿之士彭瑪 天尊而地親尊者惟一人得祀親者人人得祭也故有 兼祭五土而城隍專祭城隍也夫祭奠莫重於天地然 大夫及士庶人所居之里置社其祭土神以報地一 天下者祭地於北郊又祭之於社有國者祭於社而已 而 地有廣狹之不同王社太社天下之土神也侯社國 隉 郡 江州城隍廟後殿記 縣之土神也土神之祭有社又有城隍何也社 江西通志

一欽定匹庫全書 其 社一國之土神也里社者一里之土神國立社而家主 少口 遠矣而禮經國典無祭城隍之文儒者謂社祭山林 固 之防豬水之庸成得與祭古人於報地之禮周且悉 四 是地之險山川丘陵而建邦設都必依險以為固或 雷中雷者一家之土神也始以祭四方百物雖限水 川以為惶燥地則掘土沒惶以擬川之險曰城曰惶 名肇於古史之造字其用者於周易之繁文所由來 山與丘陵以為城平地則累土築城以擬山之險或

或為之立廟城隍之廟殆亦以棲配食者之靈試以 尊之人往往殁而得祭於里社俗稱土地神是也里 其若此類也夫夫土神當祭於壇墠而城隍祭於廟予 しこつ ヨ ハムマ 當求其義矣盖祭必有配社以句龍氏而虧尊德尊 與水庸尚於祭社之外有高祭城隍以桿寇敵以保 民其功直出於防與水庸之下而獨不專報其功乎 别 澤丘陵墳行原隰則城隍固在其中然予竊有疑馬防 縣各有城隍祠所謂禮雖先王未之有可以義起者 江西通志

一天之智, 亦 垃城 自然之險形勢之雄 阚 天之禮喻祭地之禮祭社神於壇而配以人猶 廟 皆供 以為漢 天也祭城隍神於其配食之廟則猶明堂之祀帝云 江州地扼荆楊之交面崇轡背大瀆其城其隍山川 今江州地則侯之配城隍也宜或謂他 配食宣以侯當定豫章諸郡而然數舊江州城 郡治東北民之祈禱不便宋宣和壬寅郡守憑 丞相頻陰侯灌嬰郡志言高帝六年侯築海 他 郡 英與倫也城隍配食之人 郡城隍 南 交区

T.

情世務士大夫喜與遊病廟地室監弗可以恢鄭勤力 城隍祠其來孫大通攻陰陽方伎涉三教緒言熟語 世 民脩完之外門監景福樓巍然臨乎通衢有錢氏者先 於今所歲久屋敞淳祐乙酉沿江制置使以其屬即 經管市廟後民地數的與造寢殿材鉅工良視前構有 加修廣穹隆與外樓稱翼以兩無規制係甚家無錄兩 ストンのはんはの 一 解之儲好善樂施者相與捐資以就其志非其誠足 河北人名安道紹與初江淮招討使張浚命之世堂 江西通志

一多方匹に全重 **槩以俟後之議禮者及馬** 生曾文定公為之記學近社稷遗址令不可及後徙城 浦 於此哉皇慶主子創始延祐已未落成值子過江州大 以感於神才足以動乎人何以能壮麗其神之居以至 宜黃撫之支色來皇祐元年邑令李詳始建學南豐先)請紀歲月予嘉其為人遂不辭而述古今祀典之人 廟北紹與初燬鄧令庾改築於縣治之北葉令上 宜黃縣學記 卷一百二十七

一次定四庫全書 一魯時學官去職邑士李仲謀董其役取材於官山士之 者過半而學獨存浮站初趙令希照黎簿壽更造大成 近水墊隘乃從今所紹定與寅隣寇犯邑官舍民居燬 司 胡端宜即其基營構大德乙已居民失火又煅廉訪分 允恭復新兩無四齊至元为子再燈越二年教諭成都 殿御書閣陳尉家祠邑之先達於左右應寶祐間楊令 又改築於比門石下而以舊學為尉治都令昌朝病其 郝侯鑑巡按適至名諸生議重建以命邑長爱忽都 は十二日 11小日 江西通志

大辛亥教諭南豐陳敏子增陶瓦密覆門無立四先師 後誠以國命擊於人才人才擊於士學也夫士之為 學校库序之沒自三代至今几有社有民者率莫之 各五齊舍四各三間中門五間外門六楹立先里像至 諭復以請将刻南豐先生傷記於石以與新記並嗚呼 有力者捐資以助未幾廟殿成講堂成兩無從祀之室 公以下十二人先是前進士都次陳書來徵記至是教 祀十子像又繪兩無七十二子諸儒像祀邑先達樂

while the ment of the state of 宣待官之建學哉然而官必建學以居夫士俾為學者 學學其所學非三代之士所以學者也南豐先生之記 三代而下正學湮廢士各以其質之所近意之所便為 也所以學如之何如南豐先生之記之所云是己嗚呼 何如居學而不為學自薄也為學而不知所以學自誤 於是乎學馬厚之也上之厚之者如此士之自厚者當 用東該有漢唇諸儒所不得而聞者宜黃雖小色自昔 在盖學不傳之後程學未顯之前而其言精詳切實體 江西通志 手

士者哉 銀好四月全世 多良士繼自今士之為學人人能如南豐先生之記之 心有得也於身有守也於時有用也斯無愧於居是學 文辭以釣名聲干利禄而已是宣上之人所期於邑之 矣不然不學者業荒行毀其為學者又不過誇記覧好 所云则合乎程接乎孟以上達少孔氏不待他求也於 武城書院告永豐智氏之所建也其名武城何本智氏 武城書院記 卷一百二十七

永豐之曾繼盛兄弟俱仕翰苑其父前進士宋之監察 書院祠先聖先師以及其考以處宗黨來學之人翰林 (1.1) OLL / LED (1.1/2) 之後而永豐之曾亦然盖武城之曾盛於魯越千數百 有自魯國從江南者故南豐之自追述世系以為曾子 之長移文集賢院轉而上聞朝議可之俾推曾氏子孫 御史元之儒學提舉也因子貴追封武城郡伯於是設 之所自出也按史記仲凡弟子傳参南武城人其苗裔 而南豐之曾始盛南豐之曾威於宋又百數十年而 江西通志

之 需 う、 學曾子之學可也曾子之學大縣切已務內無一毫為 上傳道統下繼祖風其待之至厚責之至重矣宣可復 無之靡所損皆氏自謂先師之胃而為請於朝者且以 近年諸處所增不可勝數襲取其名而已有之靡所益 如他處書院之有名無實也哉然則武城之数宜何 院與創之由予觀前代書院皆非無故而虚設者至若 狗外之私少孝弟公忠信行必無玷言必無偽使近 儒而賢者掌其教子自京師歸而曾氏請為記其書

卷一百二十七

子也應奉翰林文字名與申者其季子也 幾馬不然有一疵成人将譏笑而徒以涉獵故實行飾 -Carla val Lindo 1891 世子孫勉武城伯名師顏翰林直學士名德裕者其仲 議哉澄也氏雖非曾而 宋 詞華為學恐非所以繼祖風也況於道統之傳而敢輕 而宗族遠而鄉邦萬口 給與乙己割無吉崇仁之四鄉置樂安縣置縣之六 樂安重修縣學記 江西通志 所 辭稱之曰君子而後可以庶 願學者在此用敢為武城後

金片四月有事 色百年間士學彬彬如此亦可謂盛也矣縣學之建百 攝尉令王植委之考進諸儒不滿一百盖創縣未久教 無幾官牆之內鞠為沒草回其所也既而兵難稍好軍 進士科者甲諸色雖其所尚未離乎文藝然以後創之 逃生叛死不瞻追及紅誦姐豆事哉足迹之布於學者 猶未治也其後十倍於初追宋季年升國學貢禮部登 年令魏彦材始建學建學之七年清江謝尚書詩時為 十有二年而地歸於大元壤土退解干戈搶攘人士 卷一百二十七 一次定四車全書一 一貴攝事資取於家材取於其山先為之倡而學之士及 太學進士董德監諸儒力也皇慶初元廟之前字将壓 肄業有齊線以三門庖原具完令王英簿董進教官前 其舊再新之又新中門三間首廟殿并兩無從祀有室 復敢邑士陳仕貴率其弟進市民屋五問輦任以至撤 躬率卒伍取没官廢屋之材構講堂一新之越數年堂 官王佑周視廟學例然與懷不謀於邑僚不資于士民 劉汝獨議更造築基宗於舊二尺教官闕負以陳仕 江西通志 Ī

當今文教懋明於上士氣未大振於下而吾樂安自甲 色之好事者皆捐費以助仕貴之弟善司其出納令於 子之作春秋凡與造之事新延底書新作南門書新作 切 公事暇督視不倦八月鳩工九月竖楹明年秋告成奉 而她未追而慢士不敢以有費而解有勞而憚告夫 師從祀神像於新廟行上丁釋莫禮士成集愈言曰 辛卯甲午至於主子廟學棟宇四新矣官不敢以不 及兩觀書僖公修泮官詩人頌之而春秋不書

甚厚期之以臨川之王期之以南豐之曾期之以廬陵 建學之始攝尉謝公首為之記其所期於樂安之士者 於不可於是請記與造歲月於石以傳方來予籍樂安 馬既未能效史充之頌而遂使泯泯無傳無以勤後殆 褒之也所以示勘也廟學之新也事之得禮得宜熟大 也所以示懲也詩之有領領其美也得禮得宜而領 也春秋刑書也常事不書失禮失宜乃書書之者貶之 1.10 at 1.45 一歐陽清江豫章之劉若黃而猶未已也将籍之以問 江西通志 公頁

金克匹山全書 津以詣里門以歸於仁義道德不欲令人有愧於古士 事也道德仁義性所固有求則得之不待資借於人振 其本高其里而早其高非所以答官府修學之意非所 以副朝廷用儒之實也 瑞州路正德書院蒙山銀場提舉侯君李蘭奚所創 自期其可不如公之所期者子嗚呼聲利紛争身外 而追前華之萬步謝記已云予何言哉本其未而未 瑞州路正德書院記

青 官 其 又己可見 至於今二十餘年田祖薄少不足以瞻給室屋日就 以前未之聞宋之中世山近之民頗私其利而置場設 而 也夫荆楊貢金從古以然周官外人掌其地守之以禁)務其人識慮盖遠矣然創建之初功未完而侯君去 白國 利於官也家山跨瑞表臨江三郡之境固為實藏唐 取之以時盖猶私其實於地藏其富於民而不盡括 誰復有教民之意哉當家家與利之場而切切與學 朝始職其職者旦旦惟利 J. 1.1. 16.3 江西迪志 國是圖既無治民之

一多方四月全書 壞延祐二年夏提舉陳君以忠至祗謁先聖顧瞻無然 者前龍與路學録鄒民則也予皆漢天下之事誘於其 比舊多十之七八其費一皆已出無所資於人延請 儒 而己固将責其實也家山僻在萬山之限近於實貨則 名时於其實者總總而是若此書院之設直徒狗其名 像位龍帳案座靡不整嚴置田增租歲入可二百斛 招集徒衆誦習其間公退之服躬自勘督佐其經畫 日修革殿堂門無煥然一新塗徑時除養砌端好聖 師

者學民之朝夕出入必受教而後退是以風俗厚倫紀 教者馬古者二十五家之里門有塾塾有師不特為士 以副陳君之心者何如哉是有在於學者而尤有繁於 學其當學之事此陳君所以繼侯君之志也而諸人所 其民貪遠於都色則其俗陋身不遊於库序則耳目不 夫居之以奉居之地教之以善教之人件學者於是而 とこり母だいの 一一 明人人親其親長其長族娟鄉黨相友相助相扶持為 濡染乎禮義好如益子所謂能緩逸居而無数者矣故 江西通志

多方匹尼有電 義輕財害冶銀於與國所獲贏餘悉以施與客遊大京 陳君之所期果如是乎陳君瑞之高安人寬易倜儻重 年猶夫人也書院之名曰正德而於正民德之實安在 誠能如古舊習不變而家山之民新矣不然教之數十 然仁讓忠敬自家庭達於道路雖問卷之民莫不有士 因又取木炭於瑞州龍與不勝其擾為言於當路凡場 為貴近所喜受中音來在是官先是官課不辦民力重 君子之行當時之教必有異於今者今之教於書院者

秦漢而下孔道之傳不續歷千數百年乃得宋河南程 所期於人者從可知也 所輸殺四之一官自買炭擾不及於二郡律己公康而 課優級公私便之觀其所責於已者若是其實則日 都昌縣學先賢祠記

とこの日からます 一日

子又集成於其後二子當熙寧淳熙間俱守南康郡南

康偏壘也傳道二大賢當過化馬都昌南康屬縣也疇

江西通志

麦

子遠承孟氏之緒而元公周子實開端於其先文公朱

二子有專祠在縣學過年廢而其舉天歷已已教諭萬 一銀行四月全書 支西坡黄氏梅胺彭氏厚齊馬氏昌谷曹氏萃祠於明 釣用至惕然大歌白主簿黃附仕孚轉達縣丞何果縣 偷堂之東異室強齊彭氏深居馬氏暨古心江丞相配 告仁風之所披拂教雨之所沾濡流芳遺潤百世猶未 泯社而稷之尸而祝之也固宜考江丞相修學邵尚朱 日先賢祠名為知教之本者鄉賢舊亦無祠若朱門四 户李果愈議請協遂<

營明倫堂之西異室設二子位扁

一角口鄉賢祠表章尊奉之餘靡不來慕與起其於人 書者并書之以動方來 十年已失之地於醫官教外之政此其一爾主簿手必 縣簿替及产督府史究竟根林上其事於郡卒能復六 從余學請為作先賢祠記余因及一縣治官教官之可 往誘於具餌而不顧令教諭踵前官之所已行且廣於 教幸知所務聞明倫堂北豪民侵疆久弗克正職司往 世教宣小補哉抑自古速今有教必有政區區已校於 江西面志 幸

欽定四庫全書 赴乃於無州城外之四南營高爽地創臨汝書院專祠 宋淳祐戊申馮侯去疾提舉江南西路常平茶鹽事至 文公為學者講道之所明年已酉書院成位置分畫率 官之日以其先師繳國文公朱先生當除是官而不及 貯諸經及奉書於其間為曰尊經閣大元延祐乙卯樓 煅於人官命重建越六年與申四月盧陵黃鎮來是書 太學故其屋室規制非他書院比左个之左監危樓 臨汝書院重修尊經閣記

凌過無山長以樓成請記予有行未服作其冬還白金 **無監池事靡不修黃而以書來促記命山長躬請吾門** 陵而總管太中大夫社 侯至與巡按官廉訪副使董侯 院始克構架又三年至治壬成九月工畢事完輪與復 登斯問周圍瞻視且嘉山長之勤又一新外門齊舍廊 前經歷趙詣繼之者今經歷張先明也是年春予往金 舊同知總管府事亞中大夫馬合睡提調其役相之者 以請吃漢貴生有云俗吏所務在於刀筆筐箧侯 2.10 to 1.15 187 江西面志

一金 為尊也哉曾子常言事所聞子思當言等德性尊者恭 敬奉持不敢褻慢之謂經之所言皆吾德性內事學者 造始末非關與今侯急人之所緩而補昔人之所關余 坐未媛席而倦倦馬以儒教所當務為急其賢於俗吏 何敢以固陋解夫等經云者直徒口度奉書於高閣以 遠矣哉書院之創遠今七十餘年矣未嘗刻石記其與 神明敬之如父母而後謂之尊讀其言而不踐其言 閩聞此而已所聞於經之言如軍懷許公所謂信之

人是日本小村 杜侯名號賢而有文當為學校之官故其加意於儒教 意多矣繼自今學於書院者其可不深以予為戒而惕 不敢輕忽資几力小用志亦甚告然老矣而無聞僅僅 是侮聖人之言也謂之尊經可乎昔日馮侯名此閣令 然警懼動息語默公知所尊以求無負於社侯之意哉 能通訓詁文義之粃糠於道味如也其有負於馮侯之 日社侯之重揭斯扁也其所期望於學者為何如予少 一再就書院肄業不常處也而私叔於經一句一 江西回志 4

岩此云 臺基之上且就縣學東偏建祠堂三問以祀先生湖 孫侯文震宰湖口因行其鄉至三學寺民問相傳以為 一金 に しん 倉] 小色凋椒特甚扼江湖之會當驛置之衝候與補潛 、節讀書之地旁有望月臺傷基猶存乃出私錢屋於 請節陶先生家海陽之柴桑當為彭澤令後析彭澤 湖口縣湖口亦彭澤也故其境內往往有靖節遺跡 湖 口縣請節先生祠堂記 卷一百二十七

其才界之優而又追慕先賢尊崇表章以屬末俗是豈 時不肯屈於督郎而去充此志節異時記肯忍恥於 先生高志遠識超越古今而設施不少概見其令彭澤 應接往來精神光的意氣問眼處難若易任勞若逸固 欠己日事在考一 姓哉觀述酒荆刺等作殆欲為漢相孔明之事而無其 古人不得己而為禄者爾非受天子命而任也曾幾何 也不過一時收伯辟樂相授俾得公田之利以自養如 俗吏所能為者值予舟過湖口而請記其事竊惟靖節 江西迎志

資責子有詩與子有疏志趣之同告樂之安一家父子 此於人哉予於孫侯之為惡乎而不喜談樂道之也侯 夫婦又如此夫人道三綱為首先生一身而三綱舉無 有功業者於後而千載之下使人眷眷不忘其何以得 文字問窺覘其爲第而已然先生非有名位顯於時非 魏以降而有斯人者乎噫先生未易知也後人於言語 燕人所至有康能聲 愧馬忘言於真意委運於大化則幾於同道,矣誰謂漢

にいるのもんなう 七十尋故其壞尤數其修尤難宋初邑大家胡氏架水 邑之東而與經流合二流各有橋梁以渡水勢漂悍橋 經流在北遠色治之南而東支流在南徑南市之北至 水之源出百丈山行百有餘里及邑之西其流分為二 新兵豫章郡之屬邑也有水横貫於邑之中曰馬水馬 為果太平與國中胡之家有國子監簿仲饒嗣新之其 不能支屢修屢壞南橋之表踰二百尺而北橋之哀殆 奉新縣惠政橋記 江西通志

一多分四月全書 弟 末石墩亦敞邑之令佐用民力監本為柱置板於上而 城 易具名曰行教財力夫力一皆取於民王德全者絢之 固於後改作浮梁而易具名曰安濟淳祐問浮梁敬晉 人時被鞭塞之虚側然與憐遂以修橋為已任大德戊 松書省校書仲容請楊文公億為之記名其橋曰安 捐資造新橋五十餘丈不籍勢於官不假力於東 孫也輕財重義充蹈祖武視役戶處遭督責之苦役 維 鐵暨奉新鄉王約率諸大家合力結為墩至元

流二十步两岸叠石重構新橋廣袤一仍其舊其将終 次之四車全書 一 晉城杉林專備修橋之用延祐甲寅橋又壞文炳兄弟 也遺命囑其子文炳兄弟勿堕前勞以田租六百石及 其材為久遠計歲乙已相視水勢平緩之處於橋之上 壞軟修不以其事該官府買晉城鄉杉木數百畝長養 年春為水所壞則造二舟以濟至冬復完其橋自後軟 以後修理一出王氏之力至是南流漸微乃用七千 又造二舟以濟至冬又成新橋其南橋舊名惠政大德

之矣王氏以一家獨任其功伴官不勞心而得惠政之 但官無可用之財而惟民是資則惠未及民而厲先及 求予文記其事予謂古以除治橋梁為官政而今亦然 力於一橋而移彼惠政之高易此行教之名邑人成喜 力運土石實築肆道难水北流南橋既廢得以奉其工 食りでスと言 辭将官其子則仲子文炳叔子文謨俱讓而以俾其本 名民不勞力而家惠政之實世世繼述而無倦嗚呼其 ,能有此用心者哉德全眼戲贱難該受賞典則以老

長奮迅馳務而不自知其、缺董韓二子依稀數語近之 以來聖傳不嗣士學靡宗漢唐千餘年間儒者各於以 K JO LOT LINE 為無補於人心世道然指其所極度越董韓者無幾是 天之所以生人人之所以為人以此德性也然自孟氏 子文傑仁讓如此王氏之昌其未替乎 而原本竟昧昧也宋初如胡如孫首明聖經以立師教 時號為有體有用之學卓行異材之士多出其門不 尊德性道問學齊記 江西通志

金分山左右電 往滯於此而弱其心夫既以世儒記誦詞章為俗學美 精密句談而字議又盖氏以來所未有者而其學徒往 學之弊而未有能救之者也夫所貴乎聖人之學以能 之徒吸其陋詞章之徒談其出此則嘉定以後朱門末 何也於所謂德性未當知所以用其力也退人人問程張 不復旁通它書撥拾腐說而不能自遣一解及伴記誦 邵與始能上通五氏而為一程氏四傳而至朱文義之 而其為學亦未離乎言語文字之未甚至專守一藝而

欠己日華在馬 者如此可嘆已清江皮公字其子曰昭德其師名其讀 有得於里學則未也況止於訓話之精講說之密如北 禮知之根林是為形質氣血之主宰含此而他求所學 以寸哉漢唐之儒無責馬聖學大明於宋代而雖其後 溪之陳雙峰之饒則與彼記誦詞章之俗學相去何能 不免為習不著行不察亦不過為資器之起於人而謂 果何學哉假而行如可馬文正公才如諸葛忠武侯亦 全天之所以與我者爾天之與我德性是也是為仁義 江西通志 五

金字でたる 覺其非因子之請惕然於歲月之已逝今於吾子其敢 性無預也站置是澄也鑽研於文義毫分縷析每循以 書之齊曰學從吾遊請以尊德性道問學更其角名合 陳為未精饒為未密也墮此科白之中垂四十年而始 以昔之自誤者而誤子也哉自今以往一日之內子而 父師所命而一之意謂而父所命天所命也學者學此 而已抑子之學詞章則云至矣記誦則云富矣雖然德 一月之內朔而晦一歲之內春而冬常見吾德性

一則於尊之之道的強無幾乎於此有未能則問於人學於 弊又浮於末學之外而子不為是也 美具名而不務允蹈其實是乃近代假託欺誑之儒其 いろこうらんな 官之於人也不戾於其才人之於官也不戾於其職此 庸首章訂玩終篇而自悟可也若夫為是標榜務以新 昭的如天之連轉如日月之往來不使有須史之間斷 已而必欲其至若其用力之方非言之可喻亦味於中 臨江路修學記 江西通志

盛治之世人不能皆然也斜察之官处明如水鏡也而 多好四居 有電 年予移疾還家道經臨江見其學官之飭學徒之聚學 廣東儒學稽教官之能振職者莫不以臨江為首稱明 者宣的然哉必日立師道以善一世固難其人倘為其 罷軟各庸者有之字收之官必慈如父母也而貪養残 所能為以不與具職斯亦可矣大德十年冬子董江西 虐者往往而是至於儒之設官此古之所謂以道得民 之饒學務之舉心甚其之有項諸生合幹進曰臨江

1.2/1.20 Pt 1.35 PT 悉範以銅樂器若琴瑟若笙鏞若祝致並準太常舊制 有所規畫殿楹之朽盡者易以良材殿壁之敗壞者發 事之所由廢今以貳兼長無牵制之患故能專心一力 學計當時三四月已匱用不足則事事死前教授所不 之憂兩無從祀繪像一新禮器若專爵若墨洗若重置 以堅發前雪敞重檐五間伴行禮典樂者遇雨無沾服 正貳教官者也長所為貳或不欲貳所欲長或不然此 能拯真定劉君德原以學正行教授事乃能若是盖學 江西通志

三金月四月今世 書樓府庫庖原靡不修治生徒有肄業之裔教官有熊 侵得米百四十餘斛予聞而益嘉之意官不問崇卑維 適之所其於學計後其通負而所入豐節其浮冗而所 肇造購得英石作懸磬十六執事之人各製祭服講堂 何今兹力陳於當路僧計窮納賄以請部弗受竟歸其 出約此及三年沛然足用會所餘以上送至元鈔為賞 二十年官職往問貪者中其餌怯者駁其横卒莫之誰 四千有奇學有田在新淦之鄙與僧舍隣冒占强奪典

謝 Caro at Little 1 事者何事若止如今所觀而已則二公未可及也而況 乎内之學何學外之文何文奉居所言者何言日用所 食處息其間者亦求所以騎二公而上合古之聖賢否 江人才於江西為盛集賢劉公之經學視古無前尚書 戾於其職者與循是而充之何官不可為也抑自告臨 廉維能何事不辨君之仕此其發端耳可不謂才之無 而無愧然未聞其繼也今在學之士有官以居有粒以 公之古文追配歐陽文忠公王文公曾中書李直講 江西通志

金分四屆全意 里其地曰鄧林山水明秀人煙叢聚一名儒林唐以來 廬陵郡之南百八十里其縣曰萬安萬安縣之西二 於過之子處則為名儒仕則為名官必有其本其思之 馬 文 哉其勉之哉於是諸生請記其語必書以遺馬 舊家盛極而中微有劉氏自郡城徙居於此而代與 物之盛他境鮮儷宋三百年擢科與貢之士不可勝 儒林義塾記 鄉其新好善樂施五子俱務學仲子桂平

構中創先聖燕居之室二無異其左右前為中門門之 黨里子弟童蒙以上悉許來學既而病其湫隘一新營 非有他也無所於學無以教之而然耳乃設塾延師比 前為外門後為講堂堂之後設爐亭有齊舍以館諸牛 尺色日本江西 水久俾不墮壞其立心遠矣哉余考前代義塾之設睢 有庖厨以供飲食施田若干故處收所入以瞻其用扁 然既嘆謂告也此地儒風彬彬而今也或至情棄其業 曰 儒林義塾不遠數百里造吾門請記其事將欲垂之 江西通志

今日所在書院鱗比櫛客然教之之師官實置之而未 無教下無學而士之讀誦傳習猶幸不發者其功為多 陽為首稱學舍四五百間好義之家所自為而不屬於 當甚精於選擇任滿則去矣養之之費官雖總之而不 官府其後遂最天下四大書院之號五季哀亂之餘上 名無實其成功之貌也固宜劉氏義塾既不受官府之 能盡塞其罅漏用匱則止矣是以學於其間者往往有 牽則與睢陽之初一也其養之之貴有繼而教之之

其必遵朱子之明訓拳拳佩服弗至弗措必洞徹於心 CALDINA LIMO IN 其不負建整者之心子 必先蹈於身行必可以化民美俗才必可以經那濟時 不過識字記姓名而已又奚足云哉教者學者如之 可聽也要其效之所成高者僅可應舉微利達里者 亦惡可不慎也做不然學徒銷銷書聲琅琅非不可 非但中畢摘解之謂夫如是命世大儒由此而出原 安福州上田里塾壁記 江西迎志 何

者馬成淳又有漕貢而國朝至元間掌教於縣者馬先 後四世皆治儒術以干人爵而卒未帳所期也五傳至 史評二十懷古詞八見知益國丞相者淳祐又有鄉貢 淳熙布衣獻中與頌見知艮齊尚書者有廣元貢士著 人每少於期去之安福上田李氏儒家也宋南渡後有 世有甚易至之事而人或怠於至亦有甚難期之事而 與者之玄孫也安福城西五里外創里塾構禮髮 翁至元縣教之子淳祐鄉貢之孫評史者之曾孫頌

割私田以教以養意盖有所為事未及竟而身處終子 欠己日東人上 者已矣子之界田而無所為者可嘉也雖然剛之先世 鳳暨友周南瑞過予言其事予謂父之創塾而有所為 必得而其貴過於人爵者剛亦願為之乎夫人爵之貴 期得人爵之貴而竟未之得不可必得故也世有可以 剛循推越數年漸長亦克界田百畝供里塾春秋釋菜 之費示不改父道也天歷二年春剛之外傳姚貢士雷 先聖先師設講堂立齊舍門魚庖廪悉具方將請公額 江西通志

大人君子之所貴也雖千百世之下循以為貴況於求 天爵之方唯反己用實功雖不可謂易而人皆可能也 人爵之街少效人作虛辭雖不可問難而或有不能修 小夫賤線之所貴耳而大人君子不以為貴天爵之貴 皆可能者何也已所自有不待假借也仁義禮智之 有之不為則已為則人人能之有所慈爱而擴之則 也有所羞惡而擴之則義也有所敬讓有所辨别而 之則禮也智也婉順父母謂之孝雅睦兄弟謂之弟

大殿禄一時之所祭生與鳥獸同學死與草木俱腐者 豈不相去萬萬哉至順元年冬南瑞重來為剛請教於 滿天下法垂後世雖無人爵之貴而莫之能及其視小 也為之而能能之而熟熟之而極則雖竟舜之道亦不 盡心為人謂之忠推心待人謂之恕仁也義也禮也智 たこのもから 一 能弟能忠能恕則人人可克可舜可夫子也夫如是名 過孝弟而已雖夫子之道亦不過忠恐而已人而能孝 也孝也弟也忠也恕也豈人所不能哉非不能也不為 江西通志

屬民讀法以時習鄉射於學而尚功五百家之黨則當 古昔盛時萬二千五百家之鄉有鄉學鄉大夫主之頒 金分四屋有電 是書吾言以遺仰以揭諸家居之座右刻諸里塾之壁 教法於州黨族問俾教其民二千五百家之州則州長 正屬民讀法以時習鄉飲酒於學而尚齒雖二十五家 問卷亦有塾問內致仕之老朝夕坐其中民之出 而自勵自警馬 **循岡義塾記**

大是四事人書 一 体明之朝亦唯郡縣有學居之遠於城郭者子弟無從 者必受教教成俗善而人人有士君子之行也後世雖 聚教其族人少子愁相成之中建巍樓一前建小樓二 定登進士科曰先覺曰者亦以界舉奏名得任際國朝 益縣主簿司丞君在官命長子急就着岡之基建義塾 下族以儒鳴曰商霖曰飛雄曰三京於宋紹與淳熙嘉 至馬舊豫章郡之豐城縣有揭氏家於長寧鄉之情岡 而仕者養直儒學教授後斯翰林應奉王孫鹽司必時 江西通志

一金ラビル 中以奉先聖旁以處學徒主簿君割右畔之地益其廣 教無養今揭氏義熟有以養之矣而其所教之者未知 其食建塾之意始與古之里塾無異惠詣子求文記之 其 而構燕居之室及無與門以底於完美界田五百畝給 於世之文解以釣有利於巴之爵禄而已使義塾之 亦若是雖有塾奚益其公以擇師為先子其師也 何如盖古之學教人明人倫今之學其教不過習無 以示後期於永久而處其墮廢也余謂古之里塾有 卷一百二十

族無一人不明於父子兄弟夫婦之倫推而及於宗姚 欠足日華全書 一 小學一書熟讀實踐薰蒸涵永久自變化将見一家 有廉恥待人能忠恕者以淑一家一族之子弟取朱子 弟於長敦於宗族為於外州信於朋友仁於鄉里行門 名其利孰大於此余觀及簿伯仲籍父世資而不分析 月月 少記覽之多也不必言語之工也擇其有實行孝於親 友鄉里之間雍雅和順充滿融益貴者必獲稱當 名賢富者必獲保奕世之永業雖不求名求利而其 江西通志

道乎民之東奏也故好是懿德夫孩提之童初生已知 髙山仰止景行行止夫子讀是詩而曰詩之好仁如此 遠隆盛許可量也哉 其家教具族則人之所昌有以合天之所昌褐氏之您 禀之時天之昌揭氏於斯可卜也繼令又以古之教教 民之東奏好是懿德夫子讀是詩而曰為此詩者其知 已與薄俗迎殊若德若懋克嗣前散人倫之厚出於天 重修李氏山房書院記

李文足先生少學科學之學未弱冠時未子來守南原 有是常性者未有不好懿德之人心同是仁故也南康 是仁也好吾固有於心之仁豈不好彼同有是仁之 欠是日華主書 一門 心竊慕馬既成進士遂往受業終身截然禮義之財澹 乎東異者固有是仁之性也懿德者同有是仁之人 也心有此仁則必好之如山之高目所必仰如路之大 爱其親為然天地生物之心與生俱生而非有使之者 足所必行也然仁之為德人人所同吾有是仁彼亦有 江西通志

祠 成言於色令曹極仍李氏山房舊號創書院於縣西以 崇崇景行之坦坦想仰履行那忘弗懈悅馬日孜孜也 然利達之境盖學而有得於師者視其所師若高山之 金ピノヒ 尚書同邑同氏清名妨望於一鄉藏書廬山五老峰 詎 心而好人之懿德盖若是或曰尚書人品固高未當得 之僧舍號李氏山房中更亂離書與山房俱燬寶慶內 非夫子所謂好仁者哉所居之縣曰建昌前有兵部 尚書述其學問出處大縣而為之記文定推好仁之 卷一百二十

たきりもから 學正東掌恭定初學政李仲謀欲新書院會進士高若 夸惠夸惠雖不能如夫子之大全而使頑者廉懦者立 卓有合於仁之一德斯可好矣盖子欲學孔子而更稱 學聖人以充其全體人之懿德尚其生質之美制行之 懿德也其猶孟子之稱夸惠也數文定既及與尚書合 鄙者寬薄者敦亦足以俾世教文定之拳拳於尚書之 聞聖學也文定師朱子而慕尚書何居曰已之好仁必 祠皇元新政建昌陛縣為州山房始亦專官後以州之 江西通志

金分世屋有電 朱子之室以無愧於燕居所視之先聖先師而尚書公 人人知好德則官於斯者必能嗣黃而伴二李之祠水 講堂又徒燕居之堂與然有加於舊仲謀為賦以紀其 不廢墜人人知好仁則學於斯者以能升文定之堂風 畧而微記於予予弗及詳其工役之歲月室屋之規制 鳳以州判官總儒學事志同謀協乃克重修新祠堂新)懿德亦水木本原之分支分派也尚書名常字公譯 獨發明文定好仁好德之心以為來者勘繼令以往

學行著於代者不乏人國朝當設寧州以隸之而兼分 欠足日年 台馬 武寧為龍與西南北邑山刻而水駛故其民多秀拔以 有弗寧過有弗念凡如是者匪制於用則拘於謀假 隨縣棟字歷久風推雨浥坐漏日星於祀事至不嚴居 修水之上直縣顧東南站縣隸州而學隨州州廢而復 寧縣後又以分寧為州而武寧仍為龍與屬縣學官據 文定名燔字敬子人稱弘齊先生云 武寧縣儒學記 江西通志 梈

三年二月經始泰定元年十月記工禮殿門應講堂書 金りに見る言 馬謁先里廟庭退而縱觀升堂戲款坐南定文學據夏 有志者為之亦何事之不立哉至治二年夏余被檄過 弛士璋去焦大有繼之而後令之來者益勤無怠至治 儒與有力者走趨相事将與廢會有土功之令踰年禁 侯士璋作而曰余辛切兹掾不幸學計單薄乃有廢敝 不能與補者兹所覩者敢以為告余喜以語縣長令皆 曰是否職也時有沒入官粉廿餘艘白諸意司界之凡

人有為者狂作聖矣是其成也将不有如今日之與廢 时月 次至四車至雪 一 補散者乎願因諸君之善以為士子規且以見君子之 石余嘉大文學樣之有志令之能思其職也學校所以 於天下尚有志無所不立也前令李洪清後令吕天倪 是養是教思先王之道志所至而學亦至舜何人子何 始終是役者臨縣史刺馬丹後三年四月朔 人倫里人人倫之至而今而後色之士子有游有居 一新祀事嚴矣余又過至學者城本末請記於 江西迪志 言

金ラビル 師表當世而青田陸氏聞天下中更寇燬星分瓦鮮陸 世不異聚先代復其賦表其廬文安公兄弟又以道德 道不繫於地也然由迹以知其事治事以見其人使後 之所為作也謹按陸氏各青田至象山文安公時已十 之學者有所觀慕感發則地亦若與馬者此青田書院 氏先祠亦不能屋矣至元二十三年廣平程某以侍御 将肯江南過金給顧瞻遺址関然與懷鄉之者舊成 青田書院記 程文海

次至四車全書 一题 其人文書尚具大德五年公諸孫如山慨然謀諸賢士 克成可喜也抑可嘆也傳曰竟舜之道孝悌而已矣使 備扁口青田書院而請其為記某盖嘗其其成而今始 請復其家且建三陸先生祠遂以語郡郡下之縣縣無 大夫且懷牒郡庭以為請衆咸義之為助其費適縣令 家皆陸氏人皆文安弟昆治民者直復勞其心哉亦既 居故址創屋數十間春秋有祠講肆有堂無門房室界 尹張君懌政最方沒有志斯文於然自以為功乃即義 江西通志 五十八

嘆已少美哉張君能知所先務也懿哉賢士人夫能助 患又若此行道之人猶念之況大賢之里居政教之所 之間是以今之知學之士知文公者甚象而知公者甚 朱文公生同時仕同朝學同志其不同者立言有豊儉 其子孫繼志也大哉公之道德久而獨章也公與徽國 不然而於風厲示效之方又貌然曾不管省是不亦可 急而可貌馬略不訾省若此乎此無他不知之過也某 鮮知不知非道之所計然以義居數千指若此不幸遇

當為天地間堂堂正正大丈夫今家之子孫與其里之 若領其道不然名存實廢室過人退適足以來無窮之 秀民勞於作樂於成底幾藏修游息於永久其亦奚所 見乎是必有所慕矣然慕其人不若師其心居其居不 雖未足以知公抑嘗知學公皆有云就使吾不識字要 ている かいた 月建十月成明年三月記 慨嘆而已然則父兄師友可弗念數是役也以七年? 山白雲禪寺修造記 江西通志 守

多定四項全電 藝茶凡四千五年率堵波小大之屋皆完新以其餘力 熾馬自住之住是山也於今八年矣一年而僧堂改觀 大雄氏之宫布天下得地者什六七得人者什二三西 多皆疎之與也盖有記之者矣故予獨記雲住師之能 二年宫殿逢堅丹獲在嚴像設供養之工畢舉三年作 江之西之山之官仰為大疎次之疎為近故予知疎為 下院於撫州人作於金谿縣四年鑿山為園藝桑藝桐 復取化城洲地六年又鑿山種樹林餘二萬役水春碓

大己日事公与 夫佛之道非假官室以為殊勝也非資田園以為贍博 無量吾事亦無量於是山中之人皆驚且服願記其事 也然以人而學佛之學則非人莫能為者毋亦宜先為 者過者無不生歡喜歡嘆瞻仰尊敬心曰住真善住者 像萬身椒二庫以豐財八年之間無日不事無事不有 而屋意之七年架萬歲閣八年閣成設飯成具刻畫肖 住曰未哉明年吾新香積矣又明年吾新西堂矣明年 功然後祝堯之廷布金之地始淵麗廓大崇極輝赫居 江西通志

枚卜十人於佛住獨吉再卜住又吉乃以上聞錫之重 胄也姓山上人之法子也大德六年山寂凍無人疎衆 書而為疎主遂自徑山來歸歸而以潔身自誓于佛然 名之者矣今疎之熾也得人之效也記之而使繼之者 既未能學其為又不為人之為則予於斯也誠有不能 之子且佛固人也彼為刻躬關性無暇於此今學馬者 佛固許之且復信之矣住盖能于無所住而生其心 謂無量無量者非耶住 都人也器貨尚書之

謀遷之易族子田以移其址買安氏山以襲其石更為 **崇刺壞至大元年春里長者黃應瑞相橋下流勢少殺** 臨筠之交鵠山之陽梁於瀬江之上曰昇平橋瀬迅急 者耶然則陳之熾也奚足為住言哉 三月八日修丈十廣去其七高如廣之數上為屋七楹 石橋挺地丈餘得故橋林十數石佛像十有三乃故橋 也獨心喜經始于是年四月二十六日落成于明年 昇平橋記

人是可是公益的

江西通志

常有之不拔一毛利天下啰啰然日我為善我為善不 舎色旁以便蒙山之役者若此甚聚余觀萬金之墳世 高之境為二橋日新日大滸又鑿新喻禮領道數里作 体者誦煙峰流泉獻狀增勝皇慶二年其諸孫允武來 京師謁記曰此鄉民之志也且言君平生好義當于上 佛原道者守之配鄒出簪珥以相馬橋成之日行者歌 工儿六千五百费稱萬五千有奇又為庵其涯以祠 過掐土偶飽巫覡求福田而已他弗知也黄其康子昔 石

一次之四車全書 一 士沈導名曰快問迫黄太史庭堅繼至賦詩其上而閣 廬陵有閣最一郡之勝在太和東南城上邑令太常博 字國祥人即其居號之曰晚山老人云 也盛德之門又後以益之其大也必矣君年八十餘耳 亦鄉人之言也君何心馬書界允武歸刻於橋之上君 目聰明齒髮不良子若孫皆謹愿篤學未必非其報此 有結子度縣奪高第者黄所濟多矣黃固治翁之苗裔 太和州重修快問記 江西通志

有所 蛇之伸鵑鵬之息改而四顧快可知已色為州官事繁 鬱隘能心林目至是而山平川舒曠朗寒開躍然如龍 逃覽廢閣壞為底為驛為獄訟之庭旋黃旋毀宣復知 之為屋三重重十楹前為間後祠太史中為燕休之堂 之名聞天下盖自豫章诉流五百餘里江盤峽東牽挽 用文成之已而 而使以監察御史台留俸五百給屬寫公高安尹 謂快者哉至大四年邦侯聖陰徒貳車楊學文議 郎侯祐來議克合榆材徵工撤而新

PUDDE LIAND 始 三年而畢用亞弗徐屋加于舊而民弗與知登斯閣也 親 天島水寬陽開陰愈禾黍滿野舟行如飛仙地之勝若 民欲其自得盖相須也民不自得求其治之至難已山 曰太和至治之稱也閣曰快自得之謂也治欲其至而 關馬明年高安之孫在侍其諸兄威來京師以圖請 且道侯之政予雖未登兹閱竊為之一快告之曰州 子下民下而敬乎上上下各安其素非自得之驗而 雖勝而服登覽子哉於厚太和邑也而為州守尊而 江西通志

遺之俾刻之石董是役者劉沖蕭佐延祐元年九月朔 記 至治之候乎知此則是閣之勝獨最于一郡乎哉書以 御經遊之明年夏六月濟南姚侯來為富州以含菜 因敢知而用中實生齊魯之交盛過夫子之訓飲承 見於先聖先師祝日惟夫子之道察天地配日月 命來守是州今之州古千乘之國也敢不敬恭朝夕 富州重修學記 揭傒斯 用

多月四月十二

次定四車全書 题 元二十有三年陸豐城縣為富州以河東陳侯元凱為 七十楹又笵銅為七十二弟子及諸賢像以嚴祀事繁 教授清江陳明之繼至議與志合明年秋大修孔子廟 惟夫子之訓是承顧瞻廟學推門弗稱曰余之責也會 仍其舊者惟殿若明倫中庸二堂江山秀傑樓悉改作 而有加規制公裁就法度出入公限由正途凡為屋然 工勘其勘洪冬祖春用告厥成而命傒斯為之記在至 池其前做古類官侯載經載度是董是勞吏忘其私 江西通志

一責者君也承君之志行君之化者宰相與太守也宰相 内大治知所務今科舉既復亦十有三年而侯實來當 滿野竟數十里不開雞大聲陳侯大雅遂修孔子廟建 小學日集文儒故老講求治要悉資以為政不數月境 布於上太守奉於下故人之生也為之學校以教之設 化為先務者其守同其志亦同也夫兼有天下父師之 之尹時科舉廢十有三年矣士失其業民墜其教盜賊 天下文明人復其業猶皇皇馬汲汲馬以與學校明教

三代而不能去學校廢選舉以為治秦去之廢之二世 乎夫子之教矣若夫善學聖人者在畎畝則行乎畎畝 明賢材可得而治可成也古之有天下者莫盛於唐處 在魚鹽版築則行乎魚鹽版築宣待學校之数而科學 科以舉之必使士有恒業民有恒志然後聖人之道可 之勸也此上之志而侯所以力行之者況上方親御講 而亡雖然君之學視學校為隆行以科舉為去就亦異 ハンフィーニュ (詳求聖人之治愚雖不敏願與學孔子者共勉之焦 江西通志

多方匹百全書 | Ξ 廉慎簡正不為盛名而人敬畏之盖賢守云 東經器使長孺吏部郎官孫好同知崑山州事學文者 風奔潰其先忠襄公邦人以建康通判被執罵敵死韓 廬陵楊氏作忠節祠者何告金人犯宋沿江諸郡皆望 夫存者何當以直抗蔡京為楊氏忠義開先也別祀廣 **從肖專國擅兵文節公萬里以實誤閣學士家居間之** 日不食死故合而祠之也中祀建康通判贈通奉大 楊氏忠節祠記 卷一百二十七

然三代之風者宋而已方其盛時歐陽文忠以古文正 盡代民輸丁租不持一錢去吏部體通敏惠奉法循理 從僖宗幸蜀而居眉者之後也自秦漢之後有天下卓 為時良臣良山好德尚義能以私錢復文節故居割田 天下之宗明王道之本及其哀也楊忠襄胡忠簡以大 尉震廬陵之楊則白蜀徙盖太尉之孫唐國子祭酒膳 しきり 日から 百畝以建祠事皆克紹先烈者也天下楊氏皆祖漢太 何經界仁聲義實風縣天下在廣東三歲禄入七萬絡 江西通忠

宣非有忠襄文節為之標準乎不然何又出於廬陵 之暴殷之亡以紂之虐又以湯武繼之宜其東征西怨 義折敵國之氣奮中與之運當其亡也文丞相斬首無 襄胡忠簡子周之亡亦有文丞相子是能使周之亂亡 無思不服惟周以弱亡與宋同然周之東遷亦有楊忠 市終三百年火德之祥為萬世亡國之光而皆出於廬 猶有恨於宋者楊忠襄胡忠簡文丞相也文丞相之死 何其威哉夫卓然可繼三代者宋也然夏之亡以桀

養士之效亦可見矣世好言士無益於國可乎元正亦 ここの日とから 十載矣聞一權臣擅國遂至餓死使在文丞相時當何 楊氏之賢子孫也繇太常奉祀為江西行省屬祠成於 之元氣乎崑山之子元正請記忠節祠故并及之嗚呼 如哉故廬凌若歐陽氏楊氏胡氏文氏又有身致乾淳 忠襄不可及已至若文節年六十餘已懸車告老将二 觀楊氏祠則廬陵多賢之故楊氏人物之威宋三百年 之治若周文忠氏皆國家之元氣也而歐陽氏又廬陵 江西通志

一部 完四月 全重 建是山嚴堅深秀專勝兹色今侯作新於久廢其外肚 動于目詢諸部人曰此武安山塔院也監縣壽安所重 溪山一覽亭戲時士女來遊來娛寧侯之理而同侯之 其顏有塔高見數十里外僧寺塔下棟守林立悠悠然 以崇門下瞰溪之玉虹橋誠如長虹卧波直山之半為 大德七年記作於元統二年 至正十年春子使還園中驛次玉山有山營的如立筆 武安塔記 卷一百二十七

次之四車全書 一 山有塔院故老相傅宋人鄭長者實為之追嘉熙年玄 唐砂礫鎮鎮之望玉山也縣因以名其西南則武安山 樂前所未聞也子於監縣有同遊之好聞之快然以懌 合眾力以復之見於郡士謝禹之賦若院之廢當在宋 忽推其頂鳴十二年而塔盡把後十六年邑人毛士安 既依縣侯謁於館中語問起曰武安塔院成舊無刻文 亡時用兵於関縣據南北衛仍以兵發唯塔獨存而遺 可考見兹復弗記恐後将限惟先生書之按圖經縣本 江西通志

廢之功易樂與民同而近者之悅眾傳勝地不終蔽以 者吁嚱雖物之與廢有數的非其人則亦孰暇以為此 若郵人之言者侯之所施先後適宜故人敏其政而舉 事乎侯以有為之才來掌斯邑乃能追古之遺躅還太 發揮溪山於荒寂因為之書不然民勤於力而土木之 平之盛觀一邑之人扶老擔幼往來遊陇舉於於然有 役與乃區區塔院之務復又何記馬 趾可辨也樣斧委騎孤免所伏山川包靈民庭觖望過

亨久欲復之未服後至元五年已卯有古禁民為蓮社 州因省其弟過洪州之筠奉新為邑盖有三賢之轍迹 黄文節公實修川人蘇文忠公南行弟文定公詢官筠 川黄文節公之祠也邑庠舊祠三賢以元公曾任修川 洪之奉新三賢書院者春陵周元公眉山蘇文忠公修 其祠字聽民佃取為業有堂名種德者適避鄧氏居謙 馬故邑人慕而祠之孔子之官更兵祠廢世儒鄧公謙 77 5 / 1.15 二賢書院記 江西通志 歐陽元 干

多定匹厚全書 亨與伯子紀謀遂入解于官請為三賢書院有司許之 日其季子梓军邑安化道劉上将父兄命具書院顛末 干歲入得栗數百石以備里賢饗祀師生廪膳之資他 乃撤故益新加以補黃中為先聖燕居別室為三賢祠 宋水平之秋君子眾多之日而當世諸賢編紳士唯己 元為之記竊皆考周元公道德之威其出處正當注 獻趙清獻二公相知文學蘇文忠黃文節獨深全仰 如他書院制既而講授肆習悉循其規于是割田若

TO LO LOL VILLO 學孟子所謂智之於賢者命也盖蘇黃之知問子即孟 能 言文忠作源溪詩有曰先生宣我革造物乃其徒此非 足以極周子之形容其行義乃不足以獲富鄭公之識 深喻太極通書之古安能為是言哉然蘇公之識之卓 子所謂性數慶歷元祐諸公之军接於濂溪眉山之不 文節稱公光風霽月人品甚高新安朱文公每服其知 偶於洛學修川之不見察於我國宣謂命數二賢生平 知尊周子之學而不能知程子之賢黃太史之辭章 江西通志 ት ተ

多分四月全書 堂之祠實張本於斯馬是亦孟子之所謂命者數元固 皆在仁宗皇帝之世集賢大學士陳 顕翰林學士必古 究所知謂性不謂命馬前修遠子哉元之是記度幾可 起敬周子之心一日著於文墨議論之問記知百歲同 為諸士友進修之一助云謙亨字仲謙有德望於里中 祀拜克紹家學样登元統進士第歷官以清幹聞 願士之來游來歌於是者勵其希賢之志勿該于命務 貞文書院記

表一方宜特賜諡以示聖朝尚德之意於是有古賜其 和塔拉都哩點色等言翰林揭俊斯之父來成學行師 たこの年とは 前提選油後倚崇岡平畴曲豁映帶林麓盖揭氏先世 堂四楹殿之南為門四楹上為重屋門之南為檔星門 故居之地也其制為大成殿四楹於中殿之北為明倫 以貞文之號賜為額其址在富州之長寧鄉舊山之陽 爾達實右丞太平賀等又請於今上皇帝建立書院遂 諡曰貞文先生至正三年夏四月中書平章政事将移 江西通志

其 學官為之其門之東屋則從孫德懋幸舊岡書院之材 金分四元 有量 所建也其福星門則僧智辨之所立也其祭祀教育經 相之山長湯盤繼成之其山長則行省以儒士之皆歷 極庾庫庖高成以次置其上始於至正三年之九月記 于九年之七月其後從子範經始之而元貞寺僧智辨 四線別為貞文祠置明倫堂之後左為山長之署四極 之貨則里人之好義者割上腴田以相其事書院垂 兩無為諸生齊居左右皆四楹齊之南又為屋各五

飲定四車全書 一 成文安公與某以同在史館一日以記書院為請某敬 政事也後世學校雖治教事而将以祀事重馬及其所 是請乃記之又告其徒日古之學校為教事設而政事 亦祭之至簡者也今州縣學校則必專祠先聖先師於 始古之入學者含菜先師未當專有所請而含菜之禮 出馬辟雅泮宮習射養老出即受成皆在其地何莫非 君已語吾記矣越數日文安疾作又數日卒三年法申 諾之喜而歸以語其子法口今日吾書院事畢矣歐陽 江西通志 とする

過 德性莫先於樂故有道德而為師者其生也以数人其 始馬周禮大可樂有道有德者使教馬死則以為樂祖 祭於替宗替宗者學之名也古者教人以德為先涵養 死也人推本其教以樂祖祀之非必添四而下若漢首 國家秩諸犯典若夫書院則又多為先賢之祠或其 化之邦或其講道之地如是者不一也亦當放其所 而後為可也别夫書院與學校之制其始又自不同 若隋唐王通韓愈氏若米尚程張朱數君子之為先

大足司中全島 一 東漢以來大夫上往往作精舍於郊外所謂春夏讀書 有不容闕者于是或求名世之君子以祠馬元嘗循流 書或以故家積書之多學者就其書之所在而讀之因 號為書院及有可設官以治之其制遂抵學校故祀事 秋冬射獵者即其所也唐宋之世或因朝廷賜名士之 **畢再愛而為詞章又且黨库術序一變而為精合再變** 祖之祭一變而為先賢之祠自春誦夏経一變而為申 而遡源盖自入學舍來先師一變而為通祀自學有樂 江西通志

生以道德教一鄉之人死而祠於其鄉稽諸樂祖瞽宗 美所任在教事而禮樂律歷之學或該諸專門追議所 浮為教以去華就實為學復古之機其在於是貞文先 謂政事之行於學校者哉皇元超軟百王務以崇實點 之大功學校所重在祀事而宫室象設之制日趨為觀 好古博雅之君子馬貞文先生諱來成字哲夫以子貴 之祭真無愧乎古人者也某故者其所始願以求正于 而為書院學者尚不能知建學之初意又追能知為學 火之日車全書 一潭 各之制禮殿無門講堂齊舍各有其所未幾即世規模 贈護軍諡文安父子並爵豫章郡公二公懿行俸節各 曼碩卒官翰林侍講學士中奉大夫知制語同修國史 諡貞文國朝處士易名之典自公始文安公諱俱斯字 累贈通奉大夫江西等處行中書省然知政事護軍先 安成李君年翁初作安賢義塾於州西知一做書院精 列諸别碑云 安成李氏重修安賢義塾記 江西通志 太立

者一一講求而完美之于是塾師劉君權具事實語予 有未備者子剛慨然念先世美績無加于此乃割上腴 記之予嘉李氏有子之能繼承也又感義塾之作是盖 田若干定為教養恒式出納恒度比可以經久而不發 貧富至於相懸鄉校法壞斯民質愚至於相絕而君子 王為井田以養民為鄉校以教民周東井田法壞斯民 君子至公之心而古道可復之機也為之記曰告者先 之事判然兩塗賤日益多貴日益少法日益客禮

學不思無從師之資一塾之師患學者之不動不患供 CALD LA LILLIO 塾師友之至斯也教者熟于其教母致扞格而無序學 億之不繼推此至公之心求復世道之古其機不在兹 禮之士出而建義熟馬義塾既作一鄉之士患不志干 界勢不可復即已教養宣能循及齊民也哉有富而好 乎師道由是而立善人由是而多風俗由是而美義不 日益陳後世與者雖汲汲然設為教官之任而井田經 可勝用矣禮門左之堂曰塾塾之為言熟也吾故願義 江西通志

多分でんろ 州里云 者熟于其業母致寒恭之因功如是則無負李氏建塾 之美意矣李氏安成大族宋末累以著述獻于朝其貢 二年去午六十又七載仕于斯者接踵而色未有題名 以上省選丞以下部選起至元十三年丙子迄今至正 名天府者接武车翁號一峰剛字立中世以文行稱干 分宜縣泰上邑置達魯噶齊縣尹丞主簿尉各一員尹 分宜縣官題名記

次足四事全書一 服米人品不齊上馬者不恒有下馬者無庸言中人尚 且之政十居八九其志皆為三歲終更身去是即已殊 設官署皆有之本非以為勘善也而其道寫馬士歷官 訪族色鈴岡南防里屬題其端以告來者嘗謂題石之 後義趙君思順以世家文獻來宰斯邑二年官政修舉 乃考索故府得累政名氏到罷歲月悉登載諸石某適 不知身去而名留職否何可泯也使能以是而存諸心 知官之為侗狼也久矣雖然謂其身去而不之恤者 江西通志

省則吾鈴岡之人繼自今受廉勤之賜而被惟悌之福 著近名之类以為戒趙君為我刻之後之覽者有以自 之先君子是為梅邊先生梅邊初入太學尋丁外與自 永思庵者安成王君宜遠盧其親之墓而作者也宜遠 於無窮也 才而過乎中者也某既問題名有勸善之道則不敢不 無才而間于事者也求為有名至于生事以属民者有 永思庵記 老一百二十七 了人已日本人生 一 畫夜扶持衣不解帶者二年先生殁働至嘔血然絕乃 十年不解太夫人亡應墓者三年孝感昭著宜遠天性 蘇既葵結草如繭寝處墓在衣至悲泣皆草為腐風雪 純寫才氣超邁被先生身教世以孝行聞鄉里先生疾 以不得與大人永訣終其身不願仕奉太夫人至孝三 奉墓所歸乃就食里人表其、阡曰白華所居曰永思然 今 军木已拱言及其父哀如初喪每食稍甘必遣人馳 豺虎不避久之母命再三乃歸服関猶不食臨皆此菜 江西通志

金岁世五 石門 見之曠千百世而見一五十慕親之人至終身之慕猶 皆非宜遠意也其友劉君省吾來京師具言永思庵之 解宜速名留派弟初遠名壽派孚達名敏孫來遠之州 行之無聞於世而記之者也益子言五十而慕者于舜 侯為同舍而又同甲有通家之好感良友之誼記不得 兄求記其樓居齊室者甚多若永思庵者則友人懼其 而知之則孝子之永思不既難乎梅邊于先君渤海 始謁余記之余之在京師也四方之士來謁為其父

少是四年全書 一題 一來無窮之思若王溪之于斯橋其識豈不高且遠哉曰 功相與名其橋曰錦江以志其還鄉之榮馬歲久復敢 錦江橋者建城敖君玉溪初為新昌通守自歷官宣政 孫學行皆能肖其父兄云 子百川又新之屬予記予惟大夫士得意當時歸禁故 院往來必經是稿偶見其敝以已貨修之鄉人嘉其成 鄉其志不以宿告思警為先而能思以一已之惠為方 錦江橋記

當服被也是錦也者王溪告者服斯樂于其鄉百川黃 橋為敬一為限岸二為屋十有六楹中三問為樓初修 鄉人之美意豈非孝子在禮祭則設先人之裳衣以其 之爱而後然也百川不墜先人之令名重黃斯績以永 錦江雖出于鄉人爱敖君之辭亦必敖君有以得鄉人 之不威于當祭之設少江發錦山道良溪至橋三十里 為岱山場鹽可令克廣先志不獨斯橋為然上而長安 以延祐之六年今修以至正之七年百川才器通敏令

弗 PARTIE MAN 修學官由是蜀士比齊魯而豹亦書最循吏别番陽故 省都事出子浮梁治事之始見于先聖顧瞻庭宇福門 問儿建十餘橋行道皆赞以石馬 昌溪藍田平田高原下而平山龍江晉安雲風百餘里 多儒先豈下漢蜀郡哉政新令孚多士數相鳩工吃具 聖天子即位之元年春三月汴梁郭侯由江浙行中 黃懼無以昭來格而承歲祀且曰在漢文翁治成都 浮梁州重建廟學記 江西通志 鄧文原 宁

一金分世屋合門 遺制而後世鮮克師古馴至于風俗雅敝致治亡由今 越二年冬十一月制部天下郡縣與其賢者能者充賦 考其勤情由是編民佐吏咸競於學而來者未有止也 告成事既又聘者德為弟子師公退則躬加的屬而稽 有可敦尚德行經術而點浮華之士此三代學校選舉 聖天子孝崇繼述丕聞文教軼萬/往聖敷告萬方士莫 郭 及 規始是年六月暨十一月廟成齊鷹堂垣門序 · 高悉隆舊觀乃卜日率僚吏諸弟子負行釋菜禮以 1

起英季礼因適魯而始知易象魯春秋與周樂乃不若 書來曰郭侯嘉惠於學願有紀也文原竊惟古之學者 姓左史倚相能讀三墳五典八索九丘也吳晉循兩當 容是以教化一而風俗同周哀經術已不逮古若晉韓 術傳曰時教必有正業言非是則險該煩碎王政所不 自二十五家之問以里居之有道德者為左右師自是 而升之黨库術序國學雖教成有漸然其道必原于經 不深別以自振厲文原恭教肖子而番士方玉南等以 江西通志

欠己可事言言

句 學以為已而效可及于天下一有希世取龍之私則所 當儒道陛厄已久奮然欲闢邪說以達仁義之逢其難 時諸侯之國其昧于經者有矣秦禍有所自來盖至秦 異者遂使儒者名為窮經而實用不著識者隱憂馬去 如此而卒未得擬古者得人之威然經籍之弗墜翳漢 儒是賴俗儒卑陋而莫之省幸稍自振者則又消於章 而後極漢與至建武幾八十年始能斥百家表章六經 訓話不能悉心澄慮上求聖王所以参主宰而迪民

梁均賦役汰煩冗雪滞究為政號稱廉能云 負着我豐也之澤是小郡太守承流宣化者之望也侯 人工可見 1.15 國人 聖天子即位之元年纂述先献深恐失墜趣史臣哀録 施心悖士之遊息縊修于此者尚废幾風夜交做以母 政惟唐虞三代是則暨至元戊子江東倪氏創錦江書 以進而構與馬洪惟世祖握圖御宇因時立制嘉言善 名都字文卿喜讀書于易尤研蹟其守浮梁當新建舟 錦江書院記 江西通志 ナ

鯚載頒筆華祭幸兹欲鏡諸石示永久願記之按饒州 本家塾承先世素志非敢竊有所飢誤蒙二里知奖綸 惟深過志成務之烈者矣元貞丙申鐘請于構口書院 持古中前俾所司崇護如初務數風哉天光的回惟然 之水痛連舒舒西北至于邑治故圖志亦曰雲錦江而 上流有奇石曰雲錦峭壁千仭約錯成草其下匯數郡 院處其中會處主展又徒而之南不二里許水石清 記賜額褒異具紀成編至南康教諭雖入號上其事

一多方四個全種

皆其子弟為之而弗涵于賓坐立有圖進退有儀會課 雖大郡校宫力出于公者有所弗及厚延師儒推請長 諭惟與論是從而弗挠于私若主奉掌祠可財計之數 講試一如常式積之豐厚之厚期之深子之至禮之有 蘇子族事為堂口帶經祠口世美高下方直宏深敞曆 此版而下五人左以壽春揚州二府君陪祀院之西做 同理東關祠室專饗朱子配以真文忠公右列鄉賢熊 にこりら こう 妍雲錦之勝畢至殿曰大成堂曰敬儀閣曰雲章序曰 江西通志

一到方四月全書 北不倚斯不負立院之古矣是則白鹿石鼓嶽養應天 斜治之權不一而止使倪宗之胃暨業學之士為于行 隆而無替凡六德六行先王之所以数而士之得于心 起諸生位政府秩六卿入侍禁垣出任侯收或嗣數路 廷間遣使乾崇儒官訪遺逸江淮閩廣無處無之至有 而進一一道四乎其文海注雲委睽辭比事可以華世系 而成其自者悉于是子肆馬勢自丙子南北一文軌朝 偉國典停乎其德如華高如衛霍以之鎮浮静恭不

L. J. Joseph M. Lin 大元運神武以制六合任仁賢以福諸道江南既平閱 日不可 建人文茂錫宸海便蕃始灼萬不相侔合而五之其孰 有負險阻萃測數偏呼推行或一二見不旋踵而氨戲 十有七載南北一家烟火萬里海沒鐵静風恬日熙彼 (于唐而顯于宋考其時制則五有損益方令聖元崇 下熟點以寧山皇威不暢追過率服厥亦惟蕃宣有 李參政平寇記 江西通志 劉 堹

一金分四屋子電 攻門是時諸軍前集出營黃原城成單弱落垣為平事 從馬者勢張甚又明年春城大至陳河田陳九收又陳 浸淫遂及我豐豐民素弗貳顧力不克拒則有被有而 報偽降以款我師明年丘元起廣昌與明亮拘角滿漫 小菜鋒交焰熾勢益張遂犯州州南門實瞰江城来橋 捷承突草姜木枯血肉填谿谷子女名巢穴有古進討 人綏靖有方式克至于今日休至元二十有五年愈起 明亮起臨汀旅泉十萬齊搖數郡江閱廣交病馬徐

氣 久己日平 · 上上 緩商征政有便民者因弗舉民始有生意賊亦望風鳥 誰 固 獸散于是責官吏以招來分師旅以討捕悔過者之負 且急乃斷橋以拒之守兵飛矢露必市民擲瓦投石通 雨暴江漲賊阻深引退既退勢循張焚戮村落無虚日 誅之州竟 事清則率諸将搖丘元之 集殲其張離 維閉關自保雲沈雨凄官民情危老稱悲戚赦我者 回軍者壮風采肅乃故城関乃發倉果乃寬刑辟乃 日陰霾劃開天字汝霽則參政李公來號令新 江四通志 分五

未及以彰公之德也陵谷易遷此德不摩日月晦冥此 危視好彌甚而公之德視武愍有光馬是宜記顧記亦 皆公先太師武愍公來敢盱盱民嘗刻記府門今豐之 生我者父母全我者恭政也自丘元敗而明亮派不數 紛馳猶崇學校修祭禮非其本領正識處明曷克若是 日賊悉平嗚呼公之功偉矣公端人也其仁如春其清 黨級輯其流亡振旅還州州人香旗歡迎感極且泣曰 如冰其誅賞公平如權衡其在軍中手不釋卷雖羽檄

受命設揚厥武有係混一卓越曠古東洋西崑北漢南 有年矣數名著聞新庸特古因任云頌之以詩曰維元 垂千載而有永姑借是以寄邦人之思公名世安號龍 C. ..) D. wat listing | 演星拱雲從轉敢弗庭蠢彼汀當乃作於 解此撼不量! 環于疆孙城岌岌幕熊釜魚孰紆其急德人惠來遂活 **虺毒肆吮暴骨成丘流血成川浸淫時豐夢積兵連定** 川家世河西徙居燕為江西等處行中書省參知政事 德不掩內腐而骨骨朽而土此德不忘此兩碑其相煙 江西通志

清公未來燗喧篁竹公既來止妖氣夜肅功成而東升 容立整敗局皆公未來民與死期公既來止和氣春熙 吾豐其人謂誰參政李公威惠翕多謀斷兼足國手雅 ,邵名父名子軍峰峻極时水深長我士我民千載靡 江西通志卷第一百二十七 明父老太息孰如公清公恩弗替人思弗已紀德 卷一百二十七